

沅
湘
耆
舊
集

沅湘耆舊集卷第九十六

新化鄧顯鶴湘皋編輯

長沙毛國翰青垣校訂

孫白沙起棟古體詩四十五首

起棟字天擎號白沙新化人乾隆癸酉拔貢生正
紅旗官學教習己卯以科場事謫戍臨榆居遼西
四十年嘉慶初始放歸歸後無以爲家久之往依
其中表戚於粵西未半載怏怏歸中途遇盜詩稿
同行李搜去憤甚竟客歿東安旅店詩人之窮殆
未有如先生之甚者矣性剛介負氣不爲人下已
卯之役當事方憐其才不欲竟對簿時詞氣傲岸

不少屈坐是獲重譴既困法網益發憤無聊使酒
罵坐不樂近人生平抑塞奇詭之氣一洩於詩倔
強生硬如其爲人書法尤險勁有遼西草湘南草
等集失去無副本今所存皆及門輩偶爾鈔集稍
平易者

思婦吟

十年守深閨顧影明妝靚墮彼行露中低眉嘆薄命感君
繫明珠所天幸有託鸞鏡一以分佳期殊落拓殘機誰復
理殘膏誰爲容復此守綠窗離憂心忡忡從人問藁砧幾
番自鏡聽屈指刀頭時滿目飛明鏡

讀東坡先生史評五首

武帝漢暴主雄猜不近情佳兵者不祥求仙竟何成輪臺
未詔初悔心豈嘗萌夫婦父子間嗷嗷不聊生不冠不見
黜踞厠見衛青惟此差強意低昂得其平人奴宜舐痔踞
廁非儼輕云胡腐史遷作傳不青名但謂大將軍可得謂
史評賈生雖年少諸老難與衡而云吳愛幸遷之不面賴
怪來風俗詔人說漢西京不爲習所移長孺鐵中錚闕彼
淮南虜畏之寢其兵

王郎反河北信都與鉅鹿二郡獨堅守端爲劉文叔或議
因其兵送之還幽谷世祖心旌搖羣輕能折軸邳彤獨不
可謂計何能淑豈徒失河北三輔亦摧衄公若不進取信
都兵難督誰能觸父母千里事馳逐中路必逃亡其事瞭

可燭東漢興亡幾實資元臣告景德澶淵役欲避狄吳蜀
萊公獨不可章聖爲跼縮已而高瓊言避狄策可錄但恐
扈駕士逃散無遺足真宗乃大驚北征徧獯鬻千秋雄傑
人偉伐光簡牘所見大畧同謀國無遺鏃如何成南遷空
傳萊公竹

驚飈扇溟海炎漢旣不熾豪傑盡麻沸姦雄乃得志英英
苟文若有勢能屈致日月在其躬靈鑒殊寡二經營爲曹
瞞小異歎空器堂堂孔北海卓犖而彊記立朝所論建勳
輒中操意直木終見伐曷由免紺忌何如管幼安淵清冰
玉粹應二儀中和總九德純懿龍潛鳳隱耀海表蹈高義
於曹瞞父子寧寄斗筭視旣不得而殺亦不得而吏文若

與文舉地下將無愧

孟德勝烏桓謂吾幸而勝前諫我之策萬全實可聽因賞前諫者後仍思報稱本初敗官渡幡然殺官乘云諸人相哀別乘幸其憐爲明主不忠無罪仍賄贈爲闇主謀忠不賞而禍孕乃知曹與袁興亡皆分定

同列爭技能媚嫉猶可叱君父妒臣子豈大度所出晉宋下君臣爭能於手畢鮑照多累句僧虔用拙筆云以避禍患良亦可悲怵休文少三事不誇寸半粟孝標策錦被事多翻見黜孰如漢文賢召誼至宣室初以爲過之繼乃爽然失非獨了無損聖德彌超軼魏明不能堪鶴鷓難醫嫉漢文勝賈生作論分甲乙豈惟無君度如彼妒婦疾不獨

禁其夫乃禁人妃匹咄哉玉局言使我笑口陞

文人

文人半無行節士見盤錯河梁五言祖少卿降沙漠文園
令竊貲莽大夫投閣季梁頌西第孟堅銘稽落中郎薦卓
疏何異美新作望塵潘調賈傲競陸入洛子昂仕牝朝頌
周事可愕當其下筆時了不知羞作下逮奉溺器奴顏詔
燠灼試問一鉤絲能得幾回絡唐家士如此聊可供一噓
云胡柳儀曹黨佐文受惡倚宦知制誥元稹又失脚一從
批頰後壯氣隕風蔣山陰陸渭南忠款浣花若侂胄山莊
記白蠶青蠅託離隱無全豹求信有尺蠖千年齧何節韞
蘇立秋鷄潮海萬里外筆勢誰能縛

山海關權使阿雲帆在駕見訪來次拙集移膺文昌

宮詩韻見贈疊韻奉答

越御九載客羈僮一畝官俗眼時遭捩疾軀誰起癢檢點

篋中筆在自註魚蟲當關阿使君謠誦到兒童倚彼神仙

詩而奏度支功

阿由戶部郎中出差

心迹如閒雲筆頭有化工高雅

武儒衡氣岸將母同委巷羅雀門欵傳秀眉公塞塗于旄

擁連錢玉而馳良樂驟裏急顧盼飄黃空意在萬里外焉

知鹽車窮琮琤戛玉石鐘磬鏗金鐘屈蟠蟲鳥字寒芒星

斗胸滾滾涌詞源欲障川而東燄燄出寶劍又似刷於豐

黍谷回暝律嗚人遇快風海聲雷殷殷山色雨濛濛非公

有鄰春疇煦離根蓬由來五色筆只乞江文通轉筋又得

曹力儲寧翰馮故應風翕習和於十二筭願公廣雅什禾
嗷中澤鴻

表哀

有序

乾隆己丑三月十六日聞先妣歐陽孺人之喪哀痛擗
踊至於肝摧肺裂兒旣不幸自干憲罔囚繫海外生旣
不獲奉旨甘歔又不親衣衾爲辜已極乃復偷生至於
今日祥禫倏過悲號一章以摠罔極

鳳皇豈非瑞乃夢集於手方自推襍祥襍祥復何有迴思
萬里訊蒼黃牛馬走開緘一長號血已數升嘔六年長安
道礧礧愧阿母翦削入焚籠抉雲埋劫嚙翳飛憎無日獄
氣徒干斗天覆旣已淪俯憑惟坤厚今來愴鶴孤石闕神

生口美衾惡子與紫胞笑許負先慈謂余兒生時媪言紫
衣後恐富貴按南史王敬
則事已驗兒竟何如可爲於他

絕即終天舉

山阜人間萬事非浮

雲自蒼狗酷矣痛與公長鯨夜闌吼

題秋山陶明府從姑山讀書圖二首

莫昔東坡先生於古人雅好陶詩以爲質而實綺靡而
實腴求之於曹劉鮑謝李杜諸人皆莫及故謫海南時
日夕追和其詩殆盡其得鄭靖老海舶載書見借則次
陶集中贈羊長史之韻以贈之今余十年淪落學殖荒
蕪秋山明府至而書胸詩味覓我良多其所爲詩亦綺
而兼腴殆不愧其宗風要非十年讀書無此超詣也頃
過訪出其從姑山讀書圖索題輒有觸於坡公追和陶

詩上賴古人書之作次其韻且以爲贈云秋山名叔字
作人乾隆丁丑進士江西人

十年因悔吝吾道日艱虞卻遇米家船捆載惟圖書牽絲
燕晉問厯塊過幾都道風與勝氣星漢應難踰雖復駕鼓
車神馬載尻輿從姑讀書處清夢與之俱優哉小鮮烹四
頤以躊躇搗華撞金石蟬嘶那得如空濛雨煙髮黛色撫
平蕪披圖協趣軒君聽西周構三
極顏曰協趣軒卧遊宗炳娛誰似圖中
人風韻蕭以疎直追老彭澤亦有兒阿舒

淵明當晉宋高卧思軒虞涉事八十日豈曾輟琴書幡然
賦歸田何必懷此都秋山西江派高曠渺難踰雪月延杖
屐巖石著幼輿流觀山海圖不與俗狀俱看盡海東山爲

我幾躊躇

私山改東坡句贈余
云天教看盡海東山

結習在風雅屢空良晏如

我本病瘡馬碑兀卧郊蕪剪拂使長鳴駢從清娛好客

孔融似仍忘阮籍疏顧慚恩知彼不報何由舒

以玉杯贈傅八

君雖綺紈子心迹閒於雲踵門乞詩字列相羅典墳花樽

開南園吟賞到夕曛燒燭檢圖籍鴻寶何繽紛龍尾劍所

易見坡

麟角香俱煮二室較贈我詩壇行策勳倘遇陸平

原未肯爲渠焚嗟我無阿堵久絕雙斧斤雖有藥玉船未

受麴蘖醱離卻一瓢顏定饒酒與輩贈君文字飲莫漫醉

紅羹

秋山招同署中諸君觀海得浪字

我欲渡滄瀛秦橘浸駭浪安期焉不留徐福船何往井底
坐自困眼界誰與放主人足勝具牽牽俯溟漲有海天地
無咄鯨風雷壯轉濤驚雨九怒潮轟萬丈流沫辰韓外濤
山星漢上句慙祖生工神覺庾與王官燭未頃刻賞會卽
此暢

詠王會稽

東晉名士中觴詠饒風趣義之第一流俊傑識時務時人
祖清虛飛談能卷霧謀國審彼已根本先自固諸臣不之
悟觀人恣壘怒輕舉北伐師敗衄誰與愬羨魚輪結網內
史知其故保江非鼠首失時且狼顧責躬深自恥解懸省
其賦遺殘見經濟深哀託臺素我懷諸葛公救敗蘇積痼

術亭喪師後亦同此舉指痛心悼嘆餘丹款時一吐世人
詭內史書法稱獨步在德不在藝誰識將軍樹三復數篇
書知公廟廊具

謂上殷浩大舉北伐書與曾楮
王農遺謝安及與謝景書也

丹棘

丹棘以忘憂青萱以蠲忿憂畢竟難忘忿亦未易拚端由
心不空客疾生斤斤亦聞息媯繩未免宋公斲學道苦未
至憂虞曷由杖氣涌胸中山蘭以膏自煖不如兀乃心度
以循厥分持謝老靈均天高安可問

乾隆十八年癸酉余以選士赴京

朝試爾後往

來南北洎己卯秋以事蒙難走遼西迄今別家十有
七年矣乙未六月四日季弟起柎來省余於蒲居所

絮語連日賦此示之

屏居懼棕黠寢瘵人跡絕魚服尾豫且狙裳嘆挽裂王融
案自撫殷浩空書咄羈枕春濤雷冷餐困瓊雪札沉遺鯉
筒旄秃牧紙節窳身天地險瞠目蛇索習季氏從何來慰
我丁年別夏馥形已毀馬季眉猶頡掉鞅古遼西飲馬長
城窟戀戀傳心畫回回煎腸熱往事咸重論歲月去飄瞥
賈霜殺陔蘭森風靡宰拚創深錯難鑄身僵本已蹶雁序
復中斷馬革曷由挈先是癸未甲申間仲弟起梁天佐來
關省子卽謀爲子納緩歸卽去世

憐爾持門戶幾人諛羯末太行車輪摧五月披裘躩逐臭

龍頭驤

渤海有巨石土人謂之老龍頭
相傳卽秦築長城之故基地

澆塊雲疊凸連牀

寒聽雨分韻涼貯月喫鞠同貧廚炮檠共暗室五采筆續

紛三尺喙崢岷跋鼈那許追長鯨爾獨掣飛兔急良樂湛

盧相歐薛自應幽燕刷奚翅犀兕截矧買炊駿骨更掘古

獄鉞二頃陽羨田

時傳 恩自肆大嘗又欲
與幼梅約事後移居蘇常

三秋張掾

族異時老弟兄青山對耕垧萬事付鋌銑吉夢看榻笏

夢家懸筵鍵銑銑術
四字遂以名諸子

算成蹋破癯骨肉懷倉卒

秋夜口號卽送幼梅之京

一歡難把玩預作別後憂留子畏溽暑已鳴耳邊秋秋氣

薄林木窗戶涼颼颼邊茄慘我心邊月照我愁我愁不足

惜念汝悵悠悠牽挽不得行哽如魚中鈎但使前期在何

必無石尤不見移中監旌落海西頭

遙山簇歸雲相命喧宿鳥飄零酒一杯解此憂腸遶那知

浪中月風定仍皎皎念汝少如虎食牛氣豈小悠悠十八
年而此猶嘗蓼卽當舍我去雲霄恣輕矯洗彼凡眼肉慰
我幽夢悄何必種宿麥不食來秋麩

枉稽學士筠心甫手札見存短述奉寄二首

昔我聞遼西意謂八埏外尾野禹冀州拳石秦胸界失鹿
贖孤城從龍首四塞夢想可會到孤影落埃壙名竟何
裨垂堂乃忘戒流涕莽茫茫野曠天爲蓋大樹擁貔貅蒲
牢吼澎湃尙有賢邦君掘沙拾龜貝一壺濟中澆五漿煦
宿憊行吟和猛虎營平披黯澹蓮花足寶戚籟味餘菴謁
驚愁文字飲煖寒邾莒會行廚東海杯游騎角山黛藝苑
墜蠶叢騷壇賦鷲隊湯溫煖玉流日盪燦金碎

秋山招同
遊湯泉兩

宿海上觀日出金光四射紅波半天亦一奇也時則于焉于喁喁紛賡載字問草

玄亭書垂薤葉帶縹帙自穿穴斐几或遭疥聚散本搏沙
恩怨同積塊帶經鋤在手負慙芒刺背追緇及闕初睚眦
幾變態魘魅爭火光夔夔走土怪酬答茶精神低昂失風
概藥苦既飽詣梨病成凋瘵灰心狎鷗盟饑腸謝烏喙處
險立脚難知柔見舌在畜無子方贖嗣爲道林鍛潛焉零
阮涕真不知所屆

枯桐根半生蒼菴心不滅遙情秦島月幽夢湘靈芷故山
安敢懷邊馬心萬里君看太行軫長鳴遷知已前年曠蕩
恩旁魄連蟲牙冀與祝蛛蝥或以獻遠豕虛憶聞驟馱在
恩見蠲喜泮彼風波艇莫測牛馬溪禽息復鳥視年華逐

逝水蠹螺閉蓬戶癡蠅鑽穴紙挪揄困市人迷罔笑逢氏
三焦偶破涕一丸寧消痛楚歌非取樂商音空振屣寒日
隱碣石清笳動戍壘雁飛四塞哀客子中夜起雪阻梁山
椽霜萎鴿原并元瑜噴夜臺子山喏暮齒三州盡化離兩
地呼庚癸鵝鷓與叩叩寒餓尙倚倚淺之乎丈夫奈何棄
妻子合弁憎無日湛憂思不理試象旣殫力跼焦仍齊趾
忠作蘆魚乾藟次文字裏學士玉局蘇骨采龍門李皆者
鑑懸金學士先我學湖南今仍緩舒紫盼睐爲恩華寧歸傾心憐
燕律吹寒近魯縞穿弩矢繳詩上金坡藤角書粟尾

乙巳茂杪子鐘歸自盧龍幕廖節庵華廉以啟贈余

奉答詩一首

岬嶮歲垂盡君書歎而至兒客春糧外歸舍洗滌廁帛書
金雁傳美人錦段寄令支蓮花幕孝廉何斌媚宿望行秘
書賦才經鼓吹贈我山公啟華星四百字詞人麗以則別
見酸鹹嗜赫蹏一紙書支機七襄織響試擲地聲健媿摩
天翅維誦口流沫揄揚背負刺藹如仁義言摛謙盛德事
我生屈賈鄉風驟夙所肄中風儵狂走清時忍自棄親知
啞其笑舊雨多我避百書不一答撫心良內愧多君獨見
存冷竈伯鸞志嶺南多名士陳元屈大實湯驥龍驤所不
追後來誰軒輊安得元紫芝坐而與折芟

贈別凌明府二首

有引

余友凌明府名世御字書巢亦字葯喜浙江錢塘進士

平生當官清勤風采表著時有果與阿者賜義奸宄奪攘矯虔火爲生民荼毒侯以法繩之反行劾 奏

上聞亟命重臣鞠之得實復補官長安知縣而寘果於法

魯叟歷聘時伐樹仍削迹夢帝奠楹後千載傳履屐水清石自見物議久乃格卓哉凌賢侯度越流輩百三年遼西長勤事不煖席官清矢懷冰民窮達肺石恫彼三農依致茲兩歧麥人言處脂膏那知食梅藥時則有蝮蛇斲手爲毒蠱民生立重足侯法循三尺南北遂水火奏劾空據據

聖皇開金鏡河燭到肝膈薰猶一以判袞鉞見精覈懼聲輿情騰公論當時白官階何足論休言不離核但令赤

子安餘事真不擇幾人行所學而不愧縫掖持謝蒙供
尚
有
麟
精
呢

天生民立君牧養而保釐所至號鬼車墨史何目披於戲
三代下好名爲近之烏知浚侯賢名譽一笑麾在官無赫
赫去後能不思思來挽不留攀轍僵路岐脫鞞割鞭鞭紛
紛總兒嬉伐石勒偉伐石泐會有時遂使不刊績塵存於
口碑我爲眾母歌孰非秉民彝語語可絃歌一一無謾謨
有唐鞠信陵在官撫惇嫠了不立碑碣獨望江人知侯名
徽
九重九遷安得辭逃名而名隨廉吏良可爲獨悲向
隅容慘缺爲齋咨道旁誰穹碑雄哉首載螭

呂對揚借香齋詩

寓形蓋壤內天地爲吾廬風月詎論錢花鳥各供吾仁者
不分別曲土乃錙銖呂生有蝸室隣彼東園居東園何所
有厯亂花草敷短垣爲鴻溝彌望驚火荼排闥奔卓魯推
窗見呂夔風吹暗香入功德香未殊沉水沃甲煎可笑成
粗疎陋彼劉季和乃羨荀尚書白公取所棄老氏方無隅
造物無盡藏流賞在吾徒呂生善知識枯寂能自娛假彼
東園花以娛西家夫益我未損人求渠不服余在彼猶在
我此非禪悅歟我來蹋壁卧芬芳襲衣袂飛錢知沈郎舞
絮憐謝姝花前提壺虛勸我滿滿酌有者不必愛愛者不
能儲難弁歡四事流景付六如優哉復游哉游於物之初

曉王叟示郭叟

屏居跡如捕未嘗見似人寔然響空谷王叟時見親叟亦
不得意相對話悲辛皺眉聳兩肩半是爲賤貧一笑謂王
叟聊復谷吾神貧富海茫茫惜此有涯身不見投厨揚劇
秦而美新所得僅毛銖所喪邱山嶙又不見張禹黨王附
柄臣尙方駟馬劍誅佞有朱雲叟旣老無能枉用此怒嗔
惟當詣竺叟可以悟前因醉鄉有大戶頻與近酒樽毋爲
長願頷肝瞻空輪囷

辛亥五月十三日余六十初度郭拱辰攜具偕諸君
子爲余壽賦謝

今日復何日周甲日在參塵糟犬馬齒忸怩靡自任老友
歛見念牽率諸君臨朱提間白水感此意何深君心冰玉

壺不受外物侵清名重贄恂割席輕華歆獨於余傾倒惜
此崑景駸人生常坎圻背腹在甲壬壽百歲猶歿矧蜉蝣
出陰我期竹醉日一鷓同細斟郭奕獨心醉曷以開余襟
三歎發清奧華月銜高岑

郭旣賦答曼韻再廣

官隣足金虎

謂當年用事者夏官梁氏秋官秦氏

殺人有會參帶索尙樂樂

謝天誰附任偉哉造物者以予此拘臨何物可煮愁傾海
酒杯深巖霜六月實衰鬢千丈侵吞舟踟陂堰警鼠困不
飲五龍不可邁見遁甲開山圖郭璞詩奇齡邁五龍六龍坐駸駸頽景正悲
陀舊雨盛林壬來從安期島祝我長生陰安得駕雲螭驚
脚卻羊斟餞餐傭佺實高挹浮邱襟飄遙紫霄外不復思

故岑

袁西谷見示雜興四詩次韻爲贈

我心盪如波我愁亂如草未死菴苑心見獵猶輕窺賞心
莫余遂仰慙翔空鳥誰爲寄詩被秃筆聊一掃

西谷曹南英骨節何翩翩鳴琴山水邦造和薰風絃獨劫
未易撫口碑乃獨傳誰知吏本仙胸次見翛然

華泉與滄溟歷下詩派留透迤到新城闔風十二樓應有
君亦有亦海岱名流嗜好思螺蛤與眾定悠悠

市中寧有虎言者狎而至雖復沉苦海風雲通寤寐嗒彼
廉藺人粟粟餘生氣如何千載下乃有蜆與志

王西平自盧龍以書及詩來深以失其子女爲感作

詩以慰之

許時不見君我以君爲樂書來一鎖眉翻作數日惡眼前
兩珠玉懷抱一時空愛河水不乾淚河那得窮病叟猶枯
柴孟郊失其子昌黎爲假說涅槃經中旨有子與無子可
作如是觀造物聊戲君何須涕洟瀾不學東門吳勿如西
河卜炯炯兩雙眸尙須燈火讀況君齒方壯少忍待五旬
焉知不商瞿丈夫子五人我老兒子癡皆不了事者此一
重公案轉語須君下

韓學博席上索題走筆三首

心事已黃髮流年入霜髮世短苦憶多結轡攄尙誰老竺
忘憂護老梅拔心菴拔心而不死半由護解之又得老學

博青青歲寒枝半人宣武哈攀足照隣悲相看俱道眼不見
輒余思裹飯問桑病割肉療期饑萬類感以誠宿緣良
在茲叟本高陽才而非酒徒鄙偏喜竺與予爛醉吐歌詩
便適樽前興明日豈新期

按老竺謂郭洪辰
老梅先生自謂也

道喪士百偽心其一釋藥太行與孟門未足云險巖叟生
千載後乃懷淳古遺古人不可見與叟幸同時只恨相見
晚無人瀉肝脾叟家桐木系科第如摘髭星耶馳五馬叟
獨此官卑道德無卑尊抱關亦可爲委吏料量平寧不聞
宣尼詎云有一韓文起八代衰但令端委坐可敦僕薄兒
山海古重鎮萬槩擁虎羆駝隣懷古人登山臨海湄平生
益世氣俯首首荷匱公讌席慵詣清言藻獨摛不聞官長

罵轉似壘應篋甲乙今俊髦鬢眉古英耆春在玉杖裏風
披絳紗帷小年度古稀臘月廿四日俗謂之小年弟子何和和我亦呼
老竺醮醮滿凸觥壽君如老子猶龍動躩踞不見九十翁
猶爲鼉錯師

鍵歸自關東

見兒渾不識卻問爾爲誰諦視乃省之歸曰關東兒糠粃
虜理實風霜面眉黧蓬膝曾幾何歎與翁肩隨嗟余不自
支致汝遠孤羈豈不念荼苦菽水難樂飢飢驅五百里歲
星三四移徐徐訊其苦切切感我悲皴瘵指見骨際瘁寒
衲肌人生非鹿豕常聚良難期兒能茹茲苦一飽或有時
我有老阿囡鷓鴣天一涯那能未省識見面曷由知一家

四分裂三州久別離今汝其燈燭慰情良在茲半落數天星不覺雞喔咿

丙午十月廿七往遊北山張子學海從三首

衝風出北門層冰山嵯峨四顧渺銀海一逕微遠迤曩肩氣砭骨威栗指屢呵羸馬鞭不前戀此流澌河我行凍欲僵坐不法靡螺閉戶擁鑪火煖足有湯婆往來此屑屑豈不憚煩苛奔車無仲尼歎鳳有公和誰家折柳笛方擁雪兒歌

張子從吾遊兩度到北首前看楓葉丹又愛黑山勦此來山頭白一一如老叟枝枝樹木稼達官知怕否日夕渡冰橋齧石虎豹吼低徊萬山劫餘映已沒西行行指邨落羣

聲聞雞狗一笑讖秃尾何年變杵臼

我愛此間人比屋山之麓呼吸嵐光裏長年飲淨綠牛羊
識主人薪水無僮僕斷山出鐵炭冒雪掘黃獨山翁忘甲
子亥字老尊宿猶能理絲蠶從來不佩犢布暖菜根香身
劬神氣足嗟我逐狙三不學藏龜六促鱗游汀渚鍛翮驚
曲木安得此誅茅相對清於鴿

雨後

雨後萬壑喧雷送朝陽懸崖響飛溜雪浪接天荒乘磴
恣遐觀積流浩浩茫茫山應笑我俗歸路何太忙主人有行
廚綠字背古囊迴戈與角逐各各呈干將毒熱爲驅除行
間挾風霜底須河朔飲畢景得相羊卻怪入達人惟傳佳

醉鄉

再贈羅九峯少宗伯卽以爲別

三羅詩人耳聊可供談咏何似一峯賢能劾李文正我朝
有九峯骨采兩輝映褚裒雖不言四時氣已併

天庭藻一摛疇與馴龍性謝公愛詩語辰告兼定命我云
場上人首畫須潔淨要識得臣賢厥由 天子聖

千金賞敝帚得失詎自知所以敬禮文求陳思定之而公
秉撝挹點勘畧不施

余以所著遼西集詩屬九峯點定公謙謹不下筆

苟無元晏

老何以重當時我生三閭鄉騷雅夙所師相追笑揚摧茶
陵有西涯徇名士所累結習誰能醫只應千古事心事恐

差池

與公同鄉邦相望二百里黛螺千萬髻笑喚清江水江水
清如何秋染卽見底我尋遂初賦青山空隱几卻懷廊廟
人寶帶拖朱紫異時成功歸蘭舟泛綠蟻夜雪動高興風
旣疾於駛相於樂餘年莫羨東山起

將歸矣復以此詩先之

結髮同庚甲此別隔關山雖其明月團難吟大刀環今來
生入關歸意如奔湍傷弓鳥倦飛舊巢卵粗完菽水亦可
歡何必在爲官同人爲官者幾輩罹禍患而今安在哉言
之心可寒屈伸往復理可以靜反觀辛苦持門戶心力良
已殫胡不自寶蓄尙欲爲其難但可迎門笑毋爲涕洟澗
常歡不破涕徒增我心酸而况摧殘餘淚河亦已乾只應

營菟裘先須十畝閑
但了麴蘗事萬慮俱可刪
對婦勝俗客聖俞言
非謾相攜入醉鄉
俯仰天地寬

次韻歐陽表姪礪東邀同楊蒸圃孝廉小飲感懷吳

蘭柴

老鷲返故郊骨骸疲
坐卧回頭萬事非
仰面從人唾親友
不我陔阿噓起衰懦
故侶多鬼錄新知亦老大
差勝遼城丁人民困
掀簸劇喜蘇程戒咄咄
才名播及來溽暑初索
我白雪和滌筆冰甌中
一洗塵土澆寧期龍鍾
與風月竟添个詞翰
兩如神萬卷知讀破
以茲輒詣君攜我木上座
公孫飯脫粟故人逢
高賀賢豪立聲名
嘉客薦可並獨憐
問黃泉少吳萊一箇
相避如參辰相遭各坎
坷尙有沉靜

者盈川不余攄大呂諧黃鐘傑句出清餓老我仍窘步未
敢狃窳情人生行樂耳噉景真電過騰欲更索筆相於分
賦磨

沅湘耆舊集卷第九十七

新化鄒顯鶴湘皋編輯

長沙毛國翰青垣校訂

孫白沙起棟

古體詩三十三首

北平訊李將軍廣射虎石遺蹟

薊門東來遼海甸漢飛將軍右北平猿臂善射凜猶生初
從亞夫細柳營上谷雲中北地并所至邊郡皆威名應茲
而倒霹靂聲不識治軍部嚴明而君刁斗夜不鳴屯善水
草約章程解鞍縱馬敵怪驚匈奴震惕士卒傾如遭隆準
埒韓彭萬戶侯封良可輕屏居藍田尉爭犂與俱至軍先
戮鯨飲羽熊渠遙爭衡大黃射將屈虜兵下中李蔡名下

兄蔡爲三公兄乃卿望氣王朔得其情禍積殺降侯不成
徒令出東愠而行大道見斥爭崢嶸軍士大夫哭喧轟悽
俊鄙人訥詞令天下無雙才氣橫借哉壞汝萬里城邊秋
草衰黃落英溪頭桃李根孤撐我尋虎石間樵耕意行信
足墮礪院爲君醉倒力士鎗

書悲

仁考背我祖幾時不日不月遠莫知洪喬書郵誰其尸窀
窆大故憑穉兒先君大故不孝遠謫不得歸仲子起樛滯
京師叔子起槐季子起相因問皆浮沈後
槐書至不復書寄日月矣福不盈皆禍謫隨蠹死文字竟何裨三釜不
及更百羅偉元痛絕蓼莪詩衰髮未禿齒未危眠不可舍
知爲蠹賈志沒地莫敢葵余子鐘北來爲追述
其祖卽世時如此違親從利

有如斯他年誓墓梅可追畫壁爲棺涕泗洩不免衰制吳
垣之喘息雖存命如絲梅梅繭繭兩目眇蒼穹欲報骨空
靡天荒地老無窮悲嗚呼吾邱兮風樹哀執紼五情爲崩

摧

吾邱感風樹而長悲
梁武帝孝思賦語

卽事

有臨楡財索余文壽其母議
鎬百金旣而不至文亦不與

昌黎開衡山雲霾玉局見登州海市神物亦愛魁欄士六
一阡表龍公觀山谷扇書江神覬鬼神亦嗜奇特好文字
茫茫俗物可奈何一字一絹良已多天闕剡藤計不早暗
投賤賣猶草草大珠易餅旣所慳不如人各寶其寶

卽事追次尤悔庵射虎石韻

北平年來人斯下墜人猛虎人所化令人卻憶飛將軍顧

盼風雲生叱咤奴才縱貴廁仍踞醉尉先誅行可夜但得
人懷射虎心渡河無虎何須射

哀歌二首

予兄弟五人仲氏天佐叔氏天植性淳至難弟也數年
以來忽相次淪謝每一振觸殆不可爲懷旅雁著行此
生永無日矣哀歌當哭不自知其言之悲也

萬里覲兄者誰子嗟爾天佐瀕九歿爲兄欲刷嘉石恥及

關淚涕如鉛水伯淮大被幾宵同懷戀反側心忡忡避葵

習苦可憐蟲屈指來春逐塞鴻

仲氏別余擬來春北上爲余綸鏡

漼然桑

落雨絕天飄然遺世羽化仙溘歿猶戀遼西兄

仲弟歸絕粒身輕如

羽化者獨喃

生別歿別兩吞聲嗚呼念我悌弟兮心薑傷

歿險余不釋

雁橫絕塞獨成行

忍淚不下兮強顏至今歎復號咷兮兩涕淫淫永懷同氣
兮痛割難禁虛憶形容兮無復同衾王郎歌桓伊笛其歌
絕兮何處聞鸞鸞珠貫之好音仲氏善歌叔氏善吹解讀養生之論
兮不遭殺戮而毅豹俱埋骨叢林天植終夜讀書輒達旦
不不二親壽如過客兮兩弟繼歿何以任我願生生世世爲
弟弟兮此生奄歎已銷沉嗚呼仲氏叔氏寧知五千里外
白髮老兄鴿原之悲心

陶韋齋明府以粟肉鵝燭見餉賦謝

拙於生事乏食粥歎奉侏儒一囊粟十年空洞藜莧腹踞
破菜園仍餉肉寒酸得此意已足是鷓鴣者安敢辱夜來

紅鸞生白屋幽人富貴椒蘭馥從今不借隣壁光爲有賢
侯照天燭

孤兒行呈韋齋明府

有孤有孤駒王之裔孫如日在東氣方振比來破散何昌
披昔何以富今何貧訛之不肯說所以淚如雨下成河水
詰之再三始言窶有叔不吾給饗殮如楚蠶食秦併吞虎
吻豺聲又鴟目直以母子爲魚肉天公高居顛不聞吁人
誰其不予毒朝唏暮喏母子處軋軋機絲幽咽語昨者號
呼鳴所天批付中證理則然那知鬼蜮皆右袒孤兒性命
絕可憐我聞此語痛切膚嗟爾惻獨真何辜光天之下至
海隅化行親遜教澤濡僧虔憂姪廢寢食德秀漣流乳兄

孤彼何人斯性獨殊只今愷悌君子下車初事事允與興
情孚拔薤抱兒水一孟強暴必鋤弱必扶彰輝風聲豈或
渝嗟哉孤兒且收淚痕與血點往質五袴守寧致嘆無穉

贈給諫溫先生

淮陽寶應人著籍撫寧時以蹇疾在告

淮陽俊人八寶客躡屩擔簞來薊北北方學者未能先文
字聲華爛京國摘髭科第自髫齡拾芥青紫富經笥青雲
飛步轉頭問幾輩跛牾隨赤驥飛白堂前降黃紙耿耿蒼
珮冠解馬揮鞞擊鐸轢霍靡幾人膽落於御史接武夔龍
筵鷓鴣寵就黃扉又三五星輅五嶺兼七澤玉尺量才知
幾許躍馬還趨玉皇案裴垺方推李叔翰一夜虵景生厲
階四海繫齒成半漢暫解龜組賦歸田連車卷軸紛如煙

不趁朝請蹋曉鼓淋漓點勘事丹鉛嗟我鶴冠久繫此似

絮冒榛飛不起高軒歎青臨窮闔十四字爲媒介耳

先生見余

書東坡語帶煙霞從古少氣含從遣平頭不時至閒共翹

功角談藝未能載酒到玄亭卻把南烹飫好事欲盈其氣

匿塵幢邗莒終輪齊魯邦松窗楸局落飛雹坐令長日睡

魔降匣中殷殷龍劍躍公望公才兩束閣驤首天路固自

佳只今懸車亦不惡

次韻秋山明府驪城游天台寺詩

愁魔非酒無由掃醉墨欹斜蛇入草高吟仙吏游山詩想

見飛鳧恣探討秋山攝事榆關西羽書如織煩輪甌縱然

心跡清於水豈有詩中畫意如迂倪日來示我香山曲呀

吸嵐光唾淨綠天台何得在驪城華箋乃肯攜白足時有僧從

游倒景重暝匿千峯廷尉一賦聲摩空蕩游六塵發五蓋

非夫遠寄冥搜者而又誰與躡玄蹤古傳佳山水半藉名

士爲品目羊祜峴首謝東山山共名人兩芳馥我著南冠

此依劉藏六泥龜出九幽百日後車頗恣覽秋山見邀西行于役者百

日而此未到能無羞閤浮一漚真妄耳驪城天台何必假

我今臥游宛默存何必計出游者下獨笑枕石誤枕流錦

繡未合營薊酬歸鴻碣石軼千里應許聯題在上頭

癸巳七月望日秋山招同游湯泉卽事遣興

蓐食急裝趁桓侯驕嘶紛鞞果下驅夏盡犖确到海陬亂

山如蟒繆而修潭潭古屋蛟龍湫誰穿寶窖走清流泱泱

沈泉綠潑油膩玉跳珠不可收我來殘暑騰鬱攸愛此一

碧玻璃秋石流黃源温其瀏

見博物志

解衣盤礴赤腳羞水聲

激越風颺巖浴餘清快如輕鷗主人騷雅夷陵歐列坐東
馬巖枚鄒脫格禮法事嘲謳璧月流天洞六幽瑩然滌筆
冰霜甌對影交飛藥玉舟百蟲啣響篋山鳴谷應互
唱酬此歡此會療我憂安得此泉爲菟裘更與陳暄營糟
邱枕流人亦枕麴麴四時甘味置船頭長與公等共拍浮
蓋代功名海一漚矧乃鱗觸爭蝸牛

次韻黃立之喜予兒鏗北來省覲

黃道開字立之

蘭臺一賦分雌雄誰知騷人歌北風蒲且織繳絳陣鴻南
冠鼎鼎燕雲東家在夢中何日從懣涸鬱邑傷我衷有子

竹立長於翁別時三歲方掌中今長淮南桂樹叢開闕幽
豫衝嚴冬相見諦視悲填胸舉族長懸細腰蠶班倂枉詔
鬼斧工且喜對此眼中犀玉愛所鍾更得江夏無雙一笑
金犂同有此美莊或不窮聊慰離根九秋蓬一庭佳氣迥
冰融

疊前韻示鏗

飛揚跋扈爲誰雄芙蓉老盡鯉魚風苦憶摩天小阿鷓更
憐環珮響丁東幾拋金錢龜不從回回昏亂別離中禍福
倚伏失馬翁各天共泣牛衣中窹於太行雕虎獲象出深
叢枯於龍門山桐半生半成燂風雪霰摧隆冬何處滌盪
雲夢胸辛螫自求余莽蜂今來不屑遇王門濫竽工不墜

阿囷及親三釜二缶鐘但願楊子一區長年茅檐相守歡
笑同亦有黃精可救窮白頭一心不復感飛蓬益益如春
樂意融

王通守代去索贈爲歌以祖之

今代騷壇執牛耳瑯琊漢貂光七葉游揚不惜揮塵尾
拂可曾遺馬鬣謂其祖新身後聞孫賢通守風華肯落輩

流後馬前揮涕酌水心筆下生風判事手鞅掌十年困一
郡那那明月嵩甘雨比來尙作黃楊厄差喜寶軌澤右輔
知君宦情似景元奈此狺狺犬吠邨民力只今亦竭矣誰
能招此半救魂

送別東坡先生墨蹟一首

余篋有所藏東坡先生行書一軸雖墨氣紙素在而無中而精神骨采七百年如見其人予什襲珍之日一展卷披玩洵至寶也頃爲權使阿雲阮攜去云欲將以上獻去我之日竄難爲懷因賦此詩話別時乾隆三十二年之七月十有二日也

耳食幾人擁墨莊逸逐禿素躡顛張秋蛇春蚓自行行塗抹青紅倚市倡寧知國色有姬姜當途鍾繇典午王跳龍跌蕩開天閻七家楷法宛桂芳顏筋入骨秋鷹颺大峩仙人出蜀岡墨妙婀娜健而剛鵠立通明捧玉皇峩冠博帶雲錦裳魏公娥媚鳴金璫錦囊玉軸百寶裘前陶後韋爭低昂

前大幅書陶淵明詩後綴以韋應物淮南秋雨夜絕句

元豐二年居士章

題云元豐

二年東坡年深墨色半在亡神采煥發猶飛揚籠中坐看

百鳥翔鍛翻自悲誰頷頷重以冰炭置我腸賴此麗天繁

星芒時一披玩恣清狂洪鐘未敢寸莛擔卷尾有有明諸公跋余欲跋而

不敢者至寶終難什襲藏入獻我后爲國璋遂

隨雲帆辭海疆別意濃於秋水長更誰砭我疾之盲目斷

君門萬里長余著有塞上巵言記此事云乾隆二十年丁亥春戶部郎中阿敏達字雲帆權山

海關時延子訓其子類樂春額爾金朝夕劇談殊相得也

一日子出所藏蘇文忠公行書一軸示之從容謂余曰天

下之寶當與天下共之攜以上獻可乎如果獻後當寄

千金耳余率爾可之初不意其言亦不意其速疾也自

還京師師出傳西垂卒於途次而此物成烏有矣嗣余姨

弟傾德報余云頃於燕中見有人以千金售其物去知爲

大兄物然無如彼何也余至今以爲恨云

乙未十月接幼梅書知行在獻賦不果悵然御寄

月會龍龜日在尾接我季弟雙鯉魚發緘悵惘如有失遠
目曖曖不能得頃者關前分手去謂排天閭獻子虛歸
鞅翻指雁峯掉河東賦就誰吹噓獨有北扉蘇端明款密
手勒劉公書謂諸學上削數牘贈物海南行豈知明月不按劍詎謂鼠璞
而盧胡我老此問病爲祟更無愛我夏無且嚴霜朔氣慘
營平雕虎自搏撥空望龍門不見雲在天欲濟無梁阻川
塗子弟正欲使其佳胡爲渺渺尙愁予明年湖波木葉脫
好攜小阮俱來乎

二歌繁懷兒子鏜京遊未返效昌黎體

鳥飛盡雲不開而我何爲困此閒我有愛子兮畱滯京師
未得還一月不見兮使我懷思淚闌干朝復朝夕復夕誰

能覓飛車載歸與我置我膝

天欲雨雲欲陰而我何爲愁不禁我有愛子兮留滯京師
罄橐金歸路泥濘兮羊腸詰曲煎我心雲兮歸山水兮返
望子舍急還今我不樂

贈塔少司空

有序

維時鎮守山海關副都統塔彰阿公康熙雍正間相國
松公之子也由尚書郎累官御史給事中閣學士遷
擢至今官年已七十矣而好學不輟性耽史與言款款
不倦如家人父子雅知余延爲子師一日諭余曰余知
先生已二十許年矣君鄉柯君昔與余同爲給事中同
僚敗敝爲詔余而太息焉謂君才俊也吾欲言又恐有

涉於私嫌蓋時有同鄉胡太史事柯曾言之於

上

是時胡太史之子聘富室女以胡大考被黜而家又貧

官室狎遠絕婚柯君薄其人 上聞奉 旨得諧

其事而胡太史亦得復原官

今故人已成千載而余亦老且耄與君

邂逅相遇於此言之惘然爲援筆記之以贈柯名瑾湖

北大治人

師中丈人閣學士熙雍兩朝宰相子誰知怯怯老書生古

史如山堆案几說禮敦詩既卻縠輕裘緩帶又羊叔誰知

破柱殺張朔元禮勁松風謾謾公言知君已二紀鸚鵡洲

邊柯太史與余同拜官夕郎回天張公批勅李惜君墨墨

不得意言之太息爲拊髀故人一別歸道山陝路逢君尙

蓬藁大橫庚庚義未洽

是日公以漢史大橫庚庚語見問

多公老同元伯

業閑來捫蝨話悲辛閱人已是恒沙劫

恤恤乎一首效昌黎體

恤恤乎愀愀乎吾未知所稅駕也欲濟而河水淫淫又無
梁安得挾山超海兮彎弓而挂楸桑獲身狃天門兮九關
虎豹遠遁藏高餐沆漑颯天漿身存五色并五倉郊祀志注五色倉存不滅五倉存不飢汗漫九垓出八荒驂鸞玉妃同翱翔下眠埃壘
都茫茫何處著七哀五悲三愁四怨長年天椽肺肝腸

海上卽事一首有序

時在五月二十八日居停主人招同南北幕府諸君出
遊三海上趙石渠在焉是日冷風颯爽殊滌煩襟轟飲
無算頌慙憶石渠出都時其師稽學士賦詩贈別有見

及鯁生語爰次其韻成一詩示趙兼寄懷學士時學士
方家居宅憂扶太夫人櫬南下石湖營窀穸尙未還都
也

燕麥兔葵搖綺陌一路柳風禽磔磔金碧名藍在眼中簸

天濤山指帆席

是日有海船

釣鼉海客綠垂虹披襟來當大王

雄煩囂更有海杯滌一笑衰頰畱春紅前俯瀟灑後揖翠

水仙操罷厯朔吹

是日有小優

齊煙九點戍樓頭屬國三韓潮

信外夏銅南望作龍吟風月三千憶翰林想得纈袍易墨

經紅鐙萬盞照湖深

示門弟子

我似孫期大澤中牧豕幾人從之執經史誰傳春秋左氏

傳已從君魚受道矣吾學不足以庇身何勞根矩遠躡屣
成藍謝青復何常孔璠翻爲謚弟子只應修綆深深日汲
古君看多才乃善賈莫輕弄筆數行墨須識文章可報國
孫奮受春秋左氏於劉歆奮字君魚與孫期皆東漢人余
初讀臨榆士之挾書者惟四書毛詩而已讀一二經而弋
科名者往往而是余勗士人始讀經傳而左氏一
書尤自余發之今三十年來幾於家絃戶誦矣

郭竺洲頌胙戲贈

豬肝累人閔仲叔承壺先生傳誰續故人知余本不俗可
使無竹難無肉白魚饋歲姬之瑞脯肉薦刀神所福莘以
溪毛配香秬將軍今不負此腹

竺洲舉子詩以調之

傳業有兒萬事足坡公云爾非吾獨爲君祝得鳳雛成豈

曰無功不我錄大呼朋友作湯餅門挂桑弧蓬矢六酒潤
腸枯芒角生老庄吐句神而速祝兒聰俊且公卿莫但儒
服如翁笠

疊韻答郭拱辰見和并贈

廿年往事憑君說係驪得虎蹠須抉天險地險古成雄端
君已作無家別舊骨意行無坎井一笑虎頭果癡絕卅年
謫居粗學道萬筋石懸何索齧賴有道友如壺公切劇與
畫鹿身訣相憐緩河上悲曲呵噓衰令慰淒屑坐談四座
森風稜妄語兒輩舌都結謝庭明月與清風我來屣倒洗
可輟高才嗜學恬榮利餽饌百家爲誰設寒山石外皆驢
鳴沈江爲魏公藏拙卻笑庚徐輕詆疵得君斯言良可雪

咳唾九天珠玉生，冷然鄭圃御風列。高人文士朋，堪傳落
落琴聲本廉折。君不見子敬子猷，共賞高士傳。尤推抗節
五玉井丹潔。

吉明一行樂圖

明一老
客遼東

醫巫閭山遼陽東，桃花聖水圍重重。

醫巫閭山掩抱六重
上有桃花洞聖水盆

海東青放沒遙空，何人一騎連錢驄。瞥見知是明一翁，歛

崎兀寡一老公鼻端出，火耳生風壽生事業鄙。雕蟲經濟

有才百鍊鋒，難兄難弟何雍雍。

謂其兄
乾一

魯綺蜀羅籌策工。

無垠心計研桑同，錢刀袞袞僱侯封。濫觴源成淇河衝，固

知難馴性本龍不駒。五嶺歷九嶷，仰望兀坐抄懽。惊五尺

奚奴七尺筇，山陬海曲方外蹤。飄然而逝，萬壑松欬然而

至飛來峯時而甘酒倚崆嶺夾岸桃花錦浪紅時而炎官
張火繖然雲火實兼丹楓雪景尤可喜玉海銀闕瓊瑤宮
睥睨一萬里雲夢八九胸有如袴褶桓司馬稍擬殷劉氣
始雄我來定交杵下春青松不落舊時容仲遠北面足音
冠儒風代啟付兒童未須身縮虎符銅弋人何處慕冥鴻
惜哉數盡泡幻中無復吐氣垂長虹崢嶸宿老都靡草咄
嗒今於局裏逢

寄穎上王晉齋令長

有引

曩時北通州王晉齋以王子洛濱之年從吾游三載別
去忽去又十餘年成進士官穎上又十八年音塵濶絕
久矣頃晤其所親杜學博知渠尙未嘗忘余也遂寄以

詩

我有故人潞河渙不見紫芝厯三紀俟河之清壽幾何川
原浩浩沉雙鯉昨來倏遇城南杜名父之子來古戍爲訊
東牀王會稽覲縷粗得知其故棲枳鸞鳳亦不辭身騎土
牛又何遲將毋誓墓如羲之貪冒苟進非所期祥符相握
天下砥東南民力嘆竭矣一命愛物必有濟矧乃郎官宰
百里六一翁與玉局翁聚星禁體雪花中廿年清穎落君
手知餘賦筆聲摩空我來卅載墮苦海桐根半叻嗟猶在
埋愁無地鬢毛空惟有恒河性未改卻憶玉堂金馬客
口晉齋爲迴翔久絆王喬舄念我虛吟絳蠟紅
翰苑人物何事燒心殘夜蠟不抵今未許烏頭白
流紅淚更開花之句我有敝帚千金賞

余昔

晉齋先君
子劇賞余

欲付梓人勞展望有大力者負之趨得不飛書去賴上此
生歸路轉茫然狐豹邱山絕可憐何日與君賦泛頰相將
轟醉西湖邊

題梅皋調琴飼鶴圖

有宋清獻公匹馬入蜀一琴鶴梅皋今幸粵慕此寫入丹
青寄恬漠陽朔山水不值錢嶺巖江氛墮飛鸞吉人不灰
有天全面如紅玉蒼梧邊更作醫和起顛連向來辦香得
所託所至居然春有腳端如不鄙夷其民柳柳州綏以文
德免毒蠱又如閩道判宜州一郡慈母輿頌作士生讀書
弋科名付以百里侯印鵲政令人呼清白吏差爲不負平
生學重以七載陽城撫字勞歷試牛刀見鋒鏑金徽玉羽

何足論癡人求趙以糟粕再入城都并此無卻從何處更
摸索衛懿軒鶴房瑄琴畢竟供渠子載曠只今粵山深處
官民安獼猴土牛且小卻詎羨駛車乞兒三十六日塵蓋
飛肘後纍纍復若若遂初未著興公賦懸解不張胡世囊
顧安得百梅泉落落參布四輔六雄十望緊與救儻劫蘇
民瘼

郭澗用挽詞

曉得故城縣
司訓不赴

何人宿德世所賢請自隗始名重燕風節凜凜貫華鎮蕭
然瘦鶴衣飄翩大槐阪上笨車仙渺如喬松霄漢間猗嗟
伊人少迤邐倚粥不足雪履穿子舍厠膺手自澗色思其
柔羅芳鮮妻孥土銜裊寒煙文籍滿腹羞郎錢名父之子

森比肩鶴原急難爭欲先廉讓不聞上畱田華簪白鬢相
映妍衛道如城直如絃遺訓故實舊所便誰似懸河郭子
玄謂言兆叶講堂鱣皓首僅博廣文瓊更指翔鴻比翩翩
肯似榮陽老鄭虔兒郎雀起復蟬聯點額諸孫如葛縣讀
長桑書得其傳藥纂薈存遺編生事自加視後鞭萬錢
買此北窗眠起起歎見夢文宣溘然而逝兜率天名士磨
鏡來塞蓮會葬輿馬肩轂駢僉曰名德古潁川揭其光耀
公莫慳我喟而作爲雕鐫老眼能辨柯亭椽挂壁桐孫空
響泉碑有道蔡諫陶顏寧須乞名孝子紈脫劍帶君邱墓
前睡雨來葉表瀧阡

塞上曲秋山明府署分韻得月字

雪花如掌飛蓬泐白草凋零巖樹枯雕弓寶馬百道奔逸
於穿雲刺天鴻氈帳不寒高醉旣燎毛燔獸醉兀兀寧知
琵琶寫怨人萬里關山思漢月

休洗紅

休洗紅洗多紅漸白變白了不妨豔色殊可惜人生少容
可長駐東流水亦應西注

夜起

暫遊萬里別千春六十小劫豈足云餐梔茹蘗不我待厭
看陵陸又滄海埋髮九地萬里深玉兔銀蟾夜夜心萬年
倚杵天有極恨血爛斑土花碧

贈楊蓀圃兼感懷吳建軒兄弟

與君世好非一日君之大父故名士迥非曹不所訾畫地
餅說經鏗鏗愧撤虎皮几名父之子有若翁才工帖括雅
而風雲陽首宿盤飛鱣得除書不飲建業水卻食武昌魚
銅章再縮鵲華東入蒲三善將毋同陋渠馴雉中牟恭火
色上騰老馬周得君良治真爲裴江山萬里足冥搜七尺
何必定八騶我歸白龍塞故人盡黃土酒龍詩虎復何人
土偶桃梗自爾汝古博淵茂如君者我欲邀之入詩社惜
不見吳樵兩弟曷浩歌臨風淚如瀉

沅湘耆舊集第九十七終

沅湘耆舊集卷第九十八

新化鄧顯鶴湘皋編輯

長沙毛國翰青垣校訂

孫白沙起棟

古體詩一百二十四首

秋夕代內憶

錦字向來拙愁惟病骨知
金河雁到後晶閣漏殘時
墜兩摧秋帶驚颺落素蕤斑斑
湘上竹幾許淚痕滋

海山

海山雄絕處高眺跨蒼穹
玉馬千鷲的

謂雪梁宣帝七山寺賦神岳岳而獨

立仙皎皎以孤臨壑之凸凹者曰鷲峯之尖射者曰的

金鴉萬紫紅

謂海日賦詩三初出也

上襄遺意八還中他日傳流寓應知有塞翁

書感

難供魚菽祭恨與白雲多
遊盡思親淚聊爲鼓缶歌
野花泣宿露邊月隱高柯
幾夜江湖夢扁舟理釣蓑

余與兒鏗別十六年矣癸未十一月三日來省余謫
謫所悲喜交并燭亦竟夕結花爰命兒賦詩余爲次
其韻

秉燭真如夢歡娛涕淚中
眼穿烏首白心折雁來紅
家事桑田變嬌兒犀角豐
相依共命鳥悽絕雪堂公

次韻趙石渠見贈四首有懷褚學士

微尚兼邱壑清襟向與臺
風花落糞溷土梗笑人
才遼水流難盡鬢雲撥
不開南冠瘴欲絕日下
故人來

古戍長城下平沙浩浩平濤雷遠似近翠靄有還無猛虎
行難和青蠅弔自孤海隅長公沒猶望失船壺

蘇臺蘇學士骨采絕將迎夾袋儲才子公門半列卿著簪
千里念賦筆九州橫開篋含淒處苔岑無限情

誰破雀羅戶天涯趙壹過適文傾沈范麗藻駕陰何顧我
病梨病勞君歌棗歌千秋風雅在托契未須多

贈答羅九峯侍郎三首

汨汨東流水西歸也淳焉華顛驚戍客紫塞走丁年舊雨
人誰在靈光獨不驚相看成一笑傾酒似流泉

高議上雲臺天門詆蕩開君臣千載會康濟一生才正氣
能銷孛雄文欲挾雷時來作宰相試驗巨川才

何年風雨別摻袂此裏回厚意敦儼俗新炊避熱灰收毛
先有諾希阮愧非才箇裏相孚處由來不銜媒

次韻秋山七夕贈別嚴友之作

鬱金香酒玉東西一曲離鸞翠黛低賓館無花不供醉女
牀有樹豈卑棲佳期天上歡牛渚好句梁間落燕泥此去
倩誰陪坐嘯公輸空自設雲梯

次韻答宜興周尺木見贈二首

年年湘雁愴離羣汗漫天涯欸遇君儻蕩不羈流駭電詩
篇多態藹春雲行廚六甲來蝸殼窺管一斑知豹文樽酒
共論到佳處華鯨狂吼雨紛紛

被馬侯生本軼羣近來那有信陵君夢松或者遊了固繇

竹終須薦子雲聊復解龜娛
謫客未應怨鶴卽移文買田
他日歸陽羨一壑從捐萬緒紛

答黃子道開隨其舅氏樂平道中見懷兼思親之作
在三義重有門生百里春糧念老僧伏虎叢林紅日落飛
蛇細路白雲橫戀親合是黃童裔似舅居然劉氏甥好爲
外家成宅相先憑萬卷把腸襟

次韻和秋山移寓靈雨寺

何須悵望好林泉心遠陶潛得所便
賸有煙雲供北苑時秋
山捧檄于役保定方畧無車馬聒西偏
塵埃縱使朝驅旆繪古蹟圖進上

嘯咏寧妨夜聳肩獨有羈人太頑鈍
如雷鼻息卻鼾眠

黃生自京還出其見懷詩且遺煖鞵次韻爲謝

丙生髀裏入離鞍老繫荆南老鷓冠鷓冠子亦楚人耐可黃生消
鄙吝更將麗句慰彫殘筆頭捲雨能同煥足下飛雲巧救
寒勝似雪中東郭與曳他穿履太踈踈

次韻幼梅承平道中見懷

睡蛇死去已降魔圓木時驚待且戈一夜烏頭明紫塞三
春雁序渡黃河見來笑眼清光溢話到傷心苦淚多聚鐵
六州鑄錯空令閒殺老摩訶

和幼梅抵臨榆見呈二首

相逢一笑雨飄萍絮語遶宵到曉星衰朽吾慙照夜白俊
才弟似海東青危炊八浙矛頭米短劍今來老上庭無恨
淚河流不盡未乾蠟炬共熒熒

豈有金花養寸田，愁懷如海正無邊。坎壈亭伯誰能返，肝

膽平原尚可鐫。

謂褚筠心學士

聽雨敢同蘇氏約，著書應許國門

懸。期君奏賦長揚去，莫遣遺編讓子年。

時

皇上巡幸山東道弟迎駕

賦獻詩

次韻答常州周尺木主簿見寄二首

子雲翰札婁卿舌，遊戲五侯七貴間。日昨西風送好句，天
教北海看濤山。知君不忘蒼髻故，念我偏嬰世網艱。卽憶
沙塵奔馬箭，未應髮爲苦吟斑。

誅茅罨畫芙蓉上，滌筆冰甌雪椀間。邊月朔雲淹幼海，紅

燈綠酒客秋山。

歲辛卯余客秋山許尺木以山海關推使幕時相過從

重來碣石嵯

人老北上太行讖，馬艱陽羨買田何。日遂相望落落淚，痕

斑

繪盧龍唐明府時周尺木在唐許卽用其見贈韻寄

酬之

才名百粵賢豪右政冠七城卓魯閒不染

瓜竹節薄

雲高義太行山府中泛綠繩兒麗

時兒雖在唐義
字用繩息婦之繩

屋上

憐鳥軫我覲最羨紫泥盈手在錦帷獻壽彩衣斑

唐有母氏就養

龍盧

疊前韻寄塵節庵孝賢

嵇呂風流未可攀相思神馬漆灤間淒涼雲物秋高日狎

獵風光雨後山知有索郎供醪酏可無幼婦慰羈艱會將

金筆書忠孝文豔因君管又斑

先是兒雖歲少歸省
節庵以長教兒贈

王郎中席上觀投筆

拋卻毛錐思不羣飛而食肉可曾聞一家詞賦誰能爾絕
域情懷最憶君望裏安知非日月行間直欲咤風雲愛妻
自擁干何事卻被讒言鏡遽分

贈許生

溷跡浮鷗那足云青田玄鶴出雞羣仙遊梅福爲吳卒簫
吹周侯入北軍溟海岑樓空外歷太行親舍夢中雲相逢
飄泊誰相識啜茗春風我共君

次韻袁西谷明府見贈

東征才子北山陞袁宏有賦得瑤華贈我時結綵有人知
東征賦賦得瑤華贈我時結綵有人知
價重楊朱休自泣途歧河梁攜手追移監野老吞聲哭拾

遣二紀湘纍於邑甚風流乍喜遇袁絲

郭竺洲之永平卽用前寄袁西谷大令見贈韻

鬢髮蒼涼老北陲素心猶有茂才時
敲將閒裏句中句賦盡人間歧路歧
蟻抱楚山猥見斥珠明滄海未曠尋
咏史堂詩客認取千秋幼婦絲

戲何二

何有大漢子之目

長鬣諸生獨老成森如竹立軟雲崢
春風桃李數童子夜月槩鉛兩弟兄
一曲大江持鐵板三霄清露滴金莖
未須拂葢爲郎去賸有文章倩我評

三十國春秋符
堅有拂葢郎

次韻黃立之抵山海關見呈之作

暮雲如墨夢中山逐客何年許賜環
又見長頭高弟子更

關妙腕有荆關

立之隨其舅氏秋山刺史竹枝風調滙秋

水

立之沔河竹枝有七十二

飯顛詩魔認瘦顏十載相思

乍一面可無豪句破天慳

次韻王西平哭子

可忍明珠白地藏更教苦淚滴愁腸
塗鴉賸有遺痕灑蠟風虛傳佳話
長所幸西河明未蝕不須東野病垂僵
君家定有張安國取次呼爺又喚孃

九日郭竺洲招同諸君集金延年別墅
金了汝礪感事慨泣然故有此作

今年金菊不虛把獨惜玉溪有所思
綠字紅牌分韻處隻雞斗酒醉墳時
海天別鶴愁陰羈風樹舉魚淚雨滋威典

看黃醉柔落壁閒仍續舊題詩

九日竺洲師弟見約別墅登高次去年唱和韻

覓句入神良可嚼催租未便尙餘思今年更大殺風景一月無開笑口時蘭菊有芳師弟樂老莊告退山水滋故人
情重相牽率可把茱萸不賦詩

臨榆丁明府以盤山道中詩見屬兼索嚮所倩刪定
之詩八卷次韻爲答

派衍西江有士行

謂秋山

才如東野復詩鳴風流相映兩仙

更飯顆仍逢太瘦生塵甑飽諳遷客苦冰壺人說長官清
未須覓米爲佳傳咳唾珠璣見別情

丁時移
靈壽長

調竺洲卽餛飩子湯餅席間以洗兒詩見示

五色明珠老蚌生入神詩句識今成調他抱膝王懷祖飽
殺鬻毛蘇子卿老子倔強難跨竈丈夫竹帛要垂名畱將
老眼看他口畢萬由來數本盈

答柳州唐館陶見訊二首

木落櫺櫓海蒞秋詩瓢歲歲憶唐球日來雙鯉慰離索雲
到三邊爲黯愁頰上紅湖燕市酒夢中綠草洞庭舟相思
今夕關山月照盡朱顏已白頭

終待雲興四嶽知始看霖雨自天施三錢封府竟莫雪雨
度

賜環仍未歸

兩奉
皆爲部議

思旨
所格

詎是吞舟難瀾網牢

知閒客久忘機故人馬隊勞存訊無事長年自結聲

書甲寅七月十九日夜事

濤雷洶洶挾山傾海勢匍匐欲入城李靖馬鬣知幾滴呂
梁水沫瀉深更卓錫無地誰能避破屋仰天惟自驚倒盡
天瓢瀕九死此身猶在可憐生

疊九日韻懷二人

五千里外三湘客十二峯頭寸草思輒喚奈何誰遣此早
知有命悔當時虞淵日薄親交盡老樹歲寒霜霰滋賸欲
江魚江水煮百年慙涕痛姜詩

疊前韻感懷兩亡弟天植天佐

寒門風雪憶連枝玉樹長埋那可思燕市魚腸稱俠日天
爲余事在京欲手刃負義者幸陸於好相國直其事雞窗螢火澈宵時天植每友
達旦乃已渡頭一別成千古淚眼雙枯又暗滋此恨湘沅流不盡而

今更廢青鶴詩

代郭陸宗贈別申民部權使

名題漢柱輝三署印佩雄疆第一關

山海關東城樓榜曰天下第一關

眼英髦皆玉筍

倫邑己卯戊子兩科及陸宗皆與權使子同榜

抽身簿領爲秋山

九天咳唾珠璣落兩世榮名錦繡還

權使之先人先隸此任所屬奉天海口卽

權使鄉里

此去度支仍報最定知喜氣溢

龍顏

時權使方以俸滿入

京

悼亡

生世嗟卿大不諧
么豚鵝穀費差排
頻丁凶歲知頭白
兩被恩綸總命乖
望裏眼枯千點血
夢中魂返半扉柴

而今只許他生卜
老去憑誰執手偕

到長沙示季弟幼梅猶子鋌

驚面霜髭逐客回湖山霽景一時開
風帆解縮沿江地水枕頻驚破浪雷
蘼蘭枝今在眼幻中蕉境笑于思牽
盥十日還歸去冷和松聲萬壑哀

贈王若桐

流宕居他縣會無地卓錫誰言王錄事
許貸草堂資

夜起

鯽魚長不眠睡鳴冷餘灰參語今何處
空歌起夜來

卽事再題三絕句贈主人是夕同宿剡中

湖打寒皇島雲埋漢使槎尚餘赤石興
泛海片帆斜
且未上待月臺卻先御凌風舸諸君勿
厭平夷蹈險我已

坎河

萬里風飄萬里流
瑞光瀾漫月如鉤
多君筆下如滄海
不臥陳登百尺樓

七月七日贈傅鳴鶴二首

不覺王公石局不曬郝隆腹
書吟坐百城窩裏聲比金石
何如

稚穢子慣觸熱紉袴兒亦羅羶
未須避飲河朔白粥綃衣
晏然

閱輟耕錄三首

治弓須良弓治國須良相
蚩蚩常人斤寧知天下匠

右元中書文正王耶律楚材

佞佛石喇麻君臣盡膜拜懿湜文正王卻受孔子戒

右元中書平章政事文正王廉希憲

染髭愁日短報效思疇習何物忠盡人我懷史天澤

右元中書丞相忠武史天澤

席阿秋山改東坡何贈余云人未放歸江北路天教

看盡海東山因卽用其韻贈答

判筆詩詞如湧海官人幕客總耽山風流猶續今無輩長
情何應从抱關

五字綺牋問粟里百金殺僕謝東山多君季布百斤諾怪

道聲名梁楚問

秋山欲刊滿集且云他日問世當到書爲茲剗剔資也

夢中作贈洞庭漁者

歌殘明月水潺湲，浪湧風翻只似閒。
卻笑南征新息馬，珠犀薏苡足憂患。

贈黃書記道開

江西建昌府南城人，依舅氏秋山明府余門人。

踏蹬鷄居亦避風，忍饑黃鵠敢辭窮。
君看重耳一生涯，都在艱難乞食中。

夢中作寄諸弟

十年淚盡嶺頭雲，一枕淒涼更憶君。
山雨夜來鴛瓦響，分明同向雪堂聞。

宗弟葆年進士惠扇二首

扇圖瀟湘八景於上。

不詭懷綬朱翁子，不乞障羞褚彥回。
送似雪堂老居士，清風天外故人來。

團團明月裂湘紈清絕湖南入袖間十二峯頭明落照銀盤一點是君山

明妃曲

何須十二部將軍稽顙呼韓一女身他日丹青圖遠畧應將玉貌上麒麟

代題水木清華冊三首

幾年腹上夢三公取次勛名上景鐘卻憶著書多歲月城

空老卻兩髯龍

雙松書屋

賸有詩篇奪錦袍雨梧風竹足風騷時來丹穴續紛羽見

說超宗有鳳毛

翠竹碧梧

七里三塘千里蕙銀盤螺影碧粼粼春風一棹桃花水未

便煙波飄散人

山塘春棹

贈別秋山主人

坐令流水失鍾期，操盡箎鐘若箇知。
須識文翁矻俗意，海風山月亦相思。

東坡海外韓潮州，派衍西江合得涪。

秋山遷涪州牧後，記以制府保固直隸。

取洪流浩浩句，海天一氣遠吞秋。

此秋山海上分題句也。

家世義熙第一流，秉心貞白邁前修。
輸他陸氏鬱林石，賸有圖書汗馬牛。

黃沙白草綠垣長，利觜疆秦枉擅場。
古戍茫茫閒一眺，海

山指點入奚囊。

何武寧戶赫赫功，可能去後不思公。
要知惻悞無華吏，人

在海涵春盎中

湘潭李世本見訪夜話率贈四首

時以遷安巡檢于役山海關

柴門奚嚮對斜開城上清秋畫角哀
剝啄欵驚騎馬客鷓

鴝天未有人來

何年鸞鵠來棲枳絕塞愁看鬢點霜
欲罄交歡復何有關

山白月照荒涼

湘潭雲盡暮山出秋染湘江到底清
卻訊舊遊好風景歸

然魯殿有宗盟

余輩選被湘潭孫南宮齒最長今劉五中允黃十郡守皆未五十以歿而南宮巍然

存尚

又向孫山落姓名關前物色眼偏明
遙憐丹穴桐花落清

絕絲桐么鳳聲

送荆門陳生南還

龍門不見三十載老盡懷鄉鏡裏顏送爾元龍渤海去高吟初日郢門山

秋夕迴文示王生

流水落花桐影秋月明和露泣窗幽啾啾烏宿池頭樹鉤中魚如啜客愁

詠筆

郡王都統賜銜新磨角狸毛亦絕倫異日待渠斷大事如何輕以假他人

閩人黃碭有假其筆者曰是筆當斷大事不可假也見五代史

偶檢敝籠得十年前秋山之客蘇生爲寫流觀山海

圖因率題二首

海山久戍憐人老魚鳥猶應怪我衰今日披渠秋一壘摧
殘又較十年遲

萬期流轉聽悠悠忍把前愁種白頭看取天空海澗處此
身渾欲忘拘囚

卽事戲鐘

蓮花幕裏稱書記柏葉卮前捉老兵祭竈請鄰渾漫興何
須眼不識盃錯

己未四月廿六日書事三首

尺薪如桂粟如珠十九家儲甌石無搜典篋衣貲半斗飛
來何處有青蚨

千邨凋瘵無人色百里杈呀見柳樞剖盡樹皮君勿挽且

看殘喘續朝炊

相望道殣知多少腰挂殘囊無袴褶欲繪監門鄭俠圖
纍臣腸似車輪繞

二歎

臨阻鄧生財虜耳可憐身後等泥沙南山樹盡鎌無盡王
老而今莫漫誇

滿中僵瘠戰聯拳井邑蕭條裊暮煙贏得街頭猶沸蟻家
家惟別沈郎錢

海上聯句

酒酣尚佩一壺遊兩耳濤聲月滿樓好是追陪高詠處夜
深還上老龍頭

同秋山過撫寧徐氏園有贈

長齋綠暗柳絲低
花亞闌干鶯亂啼
錦字牙籤迷五色
似渠凡鳥未應題

兩行珠翠西施菊
滿壁蛟蛇北海書
萬貫揚州騎鶴客
曾從北路識魚徐

不展蕉心知爲誰
竹間蔣徑護陶籬
此中著箇柴桑老
看與此園宜不宜

答都門劉比部衡陽劉太守寅橋楊教習觀班見慰

二首

燕山舊雨惠思我
破甑爲余恨不平
棄置如今休復道
衙碑石闕口中生

飛黃騰躡看公等井底浮沉笑子陽盡道求伸有尺蠖那
知心事久頽唐

人影

人影亂鋪明月地雁聲悽帶塞門霜南歸子婦如相訛九
日筮籬醉有鄉

三十年前夢中作詩醒而歷歷能記今集中亦存一
二比較醒時有過之無不及也爾來旋記旋忘百不
得一噫吾衰不其甚乎

倒流三峽湧詞源卅載詩懷記傅園

時寓傅氏花園

老大夢醒渾

忘卻一場春夢畧無痕

嘉慶三年戊午三月十八日蒙

恩賜環喜而寄

內十四絕句

驛騎流星感昨宵金雞大柵樹今朝昆蟲獠狻齊回首共
戴吾皇如帝堯

六千里共明月色四十年棲遯水清今日茹荼封髮婦應
知從例剃夫人

歲月爭多兩鬢絲千條湘竹淚痕滋歸心此去先南雁勸
駕毋勞倩子規

三州父子子山庾卅載棲遲屬國蘇絕痛老親如過客生
妻猶未去狂夫

幽感連山暗宰樹漸行哀雁叫平沙漫驚老客形難識四

十兒郎未見爺

余客京州六年歸以戊寅七月復入京八
月次兒覺生後長子健往來南北次兒老

妻留侍故鐘
至今未見

差勝遼東老令威還家城郭未全非卻愁訪死問生處老
淚臨風未免揮

老瓶竟乳豈其天返鶴猶飛未是賢一點靈犀終不死也
須負郭有畬田

清夢棠梨句有神三元真降紫泥新皇天老眼至人鏡塊

北無垠播大鈞

余去夏夢中得句云散
行三月照棠梨今果驗

蒼鷹鷲吏尙相猜長孺何緣便死死只道寒門春不狃一
聲驚蟄有轟雷

已慶開雲睹白日可能刷羽向丹霄虞泉蒙谷無多景尙

欲涓埃答

聖朝

征西勒墓久相誣老去頭顱可証乎但使尋子遂初賦他
年定作首邱狐

不踏軟紅如隔世故人如在與重論靈光獨有羅夫子不
棄菁筮有緒言

今吾鄉開學侍郎羅公爨在京謂筮云與君尊人舊好何乃不相聞知公蓋未嘗忘

也

見蝸京華接勝游眼明鄉國說前修風光次第行當領山
似佛頭水鴨頭

取次賦驛辭瀚海會須騎鶴上揚州

子銓爲揚州高郵幕書來求子往揚父子

會而因由水路南旋

雲帆淼淼洞庭濶萬里誰馴浩蕩鷗

京邸寄內四首

無端束葉坐成疢誤我行藏到白頭底事日歸歸有日燕

臺戲馬又三秋

東萊子義劍門維遠志丈夫世所稀老去預唐渾異局欲
療衰病只當歸

巢毀久拌家道替卵完粗覺客情安歡時莫灑悲時淚一
世人同再看

三春花柳懷金齒六詔風煙貯玉關今日新都輸我在不
勞更上望夫山

次平原

劇飲憑誰十日畱買絲澆土定悠悠姬人不識問中意只
說平原有督郵

過德州憶盧雅兩塞上遺事

平生風義王炎午一死規師古誼敦何事文家侈譎詭也
傳生祭蔣蘿邨

虎頭石弔古和王西平二首

王桓字西平廬龍諸生
余門人也郡縣應詔舉

孝廉
不受

黑水狼河道黃沙虎石獰五花

城名

屯細柳萬里屹長城牧

馬邊塵靖控弦士氣崢熊渠曾飲羽猿臂本馳名百戰兜
鍪蝨千秋走狗烹封侯輸衛霍遺恨失韓彭

踞厠奴才貴無雙虎將輕似韓遭胯下信噲可橫行塞草

威稜愴

漢書李廣傳
威稜平鄰國

河流涕淚傾鸛鴒無陣法忠信有

奇兵東道書偏急西羌恨未平好還天道邇追弔獨含情

代秋山感舊投贈權使

魏尚雲中日尹何學製年黃花明大漢

雲中有黃花嶺

白道瀉清

妍雲中有白道泉卽

盤錯虞無地

幘幘卻有天隴非千里

駿目過九方歎縱氏羊猶牧盧耽鶴未翮迷同日五色

先以山西庚辰同考官所取試卷磨勘左遷

愁似柳三眠遂索長安米仍烹小

邑鮮低回思暖律慘澹見寒煙一笑紅塵外重逢翠輦邊

名元題漢柱行共羨班仙短翮飛難遠沉鱗句莫傳海山

移別調風浪引虛船十五年前更半千數裏員萍蓬星一

路鷗騎井連乾香襲荀君席籌遙劉晏鞭菁簪寧棄故草

韜不妨穿駕鼓汗皆血操鐘響是泉長鳴爲歷塊相賞在

無絃大力彎繁弱雄篇擊率然續貂敢惜尾引玉亦拋磚

離合應前定相於有宿緣顧慙未報稱心骨自雕鐫

附錄白沙老人遼西草自敘僕少無遠操亦頗無
俗韻乾隆癸酉浪跡京塵以教習冀博一官養親
謂唾手可得而少不持重偶爲人捉刀此膝不屈
遽掛文網編管右北平沈淪苦海餘歷三紀皮骨
一空懼當世賢士大夫以識字劣能未遭眼白至
有命駕造門折節下見幾於豫章之於何黜自時
厥後逐海上吳者疊助焉仲舉賓榻仲賓幕蓮爰
尸講席亦與典籤爾迺長城古戍海嘯山鳴悲筵
哀筵行吟互奮引玉續貂不能爲無口之飽走也
不敏未能拆六朝漢魏以上薄風騷亦不斲斷於
唐宋之分而尊之視之少卽慕鄙垢老人之才大
如海發括萬有雄視百代覺元微之之優劣李杜
既可笑元裕之之以滄海橫流日老坡大不白量
近人毛大可輩之賤黃此老眞撼大樹之此蟬吾
無貴耳矣古今風雅之總持浣花王局斗杓並垂
浣花固精詣而無韻之文則不可讀六一不喜之
楊支公題之曰村夫子浩翁評杜不少假借文章
氣節城非昌黎而或嘗其詩爲有韻之文惟我鄰
垢老人海涵地負魚龍百變含垢納汙靡所不孕
詩其補餘亦復越漢跨唐上揜陶謝下凌李杜
自詩教以來至此老而大集其成今觀浣花之詩
史曰忠愛以視玉局之憂危君國每飯不忘爲何

如文章忠義而此老難進易退已自寫照於脾款
丞丞欲行道而此老難進易退已自寫照於脾款
中初不似王半山之雞廉狼吞所與理道貫心膈
習朝廷數大事宋史未末可考良由官爵禍福
忠義填骨髓直談笑於生死之際而何官爵禍福
足以餌之而林之此其氣足以蓋天下而又何萬
斛源泉之必擇地而出不使人怖若河漢而無極
耶更幾千載下可復得此人物耶今不察此老所
以格天泄鬼歸然獨立於篇章之表者正有幾許
事業在堂下人而識堂上人得失以門外漢窺
蓬室中之寶藏此又錢牧齋所噴牛羊之眼但見
方隅者也道堯舜於戴晉人付之劍首一映殘膏
賸復齟巧後人幾許而或不盡戶而祝之社而稷
之豈理也哉今天子賜環行後難然念無可
以陰知已者迴憶四十前未嘗不憑此老之一編
以耗壯心遺殘喘今去矣焚棄筆研而結習所存
血性所傾未嘗得此老之萬一要未嘗無一真字
雖復傲帚不堪而向來辨香未可磨滅聊從蛛絲
煤尾破籠中蒐亂葉數束摘錄其十之三略存
梗概所有古今文詞遺西雜議塞上卮言各數卷
以及零執斷素流落人閒者一聽其散如
飛煙不遑恤已白沙老人孫起棟自敘

沈湘耆舊集卷第九十八終